

# مستطابق

درسمادنده باب عالی جاده سنده  
اداره مخصوصه  
محل اداره :

اعظم :  
مسکمزده موافق آثار جدید مع المنویه  
قبول اولنور  
درج ابدلین آثار احاده اولغاز

دین ، فلسفه ، ادبیات ، حقوق و علوم دن باحث هفته لق رساله در

مؤسسلری : ابوالعلا زین العابدین - ح . اشرف ادیب

تاریخ تاسیسی :  
۱۱ نمرز ۳۲۴

| سنه لکی | القی آیانی | درسمادنده      |
|---------|------------|----------------|
| ۶۰      | ۳۰         | ولا یاتده      |
| ۸۰      | ۴۰         | مملک اجنبیه ده |
| ۸۰      | ۴۰         |                |

درسمادنده نسخیه ۵۰ پاره در

قیرله دن مقوا بودو ایله کوندربایر سه سنوی  
۲۰ غروش فضله آلنیر

درسمادنده پوسته ایله کوندربایر سه ولایات بدلی اخذ اولنور

عدد : ۲۸

۱۱ صفر ۳۲۷ پنجشنبه ۱۹ شباط ۳۲۴

ایکنجی جلد

## صورت انقسام ملل واقوام

نوع بشر خلقة مدنی الطبع اوله رق یارادیلمش یعنی عجز انسانی ایجا بنجه بر آدم یالکز باشه اوله رق بر طاع تپه سنده ویا بر چول اورته سنده منفرداً یشامغه غیر مقتدر و لوازم حیاتی و حوائج ضروریه سنک تدارکی امرنده ابناء نوعنک معاونته محتاج و مفتقر بولنمش اولمسیله اساساً بر پدر و مادر دن یعنی ابوالبشر حضرت آدم علیه السلام ایله حضرت حوادن متولد اولان ذکور و اناث بر عائله تشکیل وتوالی ادوار و تمادی ازمه و اعصار ایله عائله آدمیه تکثر و توسع ایله قبیله یه و تعدد افخاذ و تکثیر افراد ایله قبائل و عشائره انقسام ایلمش و قبائل و عشائر حاله دن بر قسمی کوجیهلک حالندن فراغتله قرا تأسیس و قرای مؤسسه تدریجاً کسب جسامته بلاد و قصباته تحول و مدن عظیمه شکلنه کیرمشدر .

بو وجهله صورتیاب وجود اولان قرا و قصبات و مدن و بلاد سکنه سی بر عنصر دن منشعب اولدینی حالده بعد الطوفان ابناء آدم ابوالبشر ثانی اولان حضرت نوح علیه السلامک ذریته انحصار و حضرت نوحک « سام » ، « حام » ، « یافث » ، نامیله اوچ اولاد ذکوری قالمسیله نوع انسان اشبو اوچ اصلدن تسلسل و تشعب ایله هر ذریت پدری نامیله بنام « سامی » ، « حامی » ، « یافثی » عنوانلریله اتسام ایلمشدر .

آنحقی انسان فی حد ذاته حیوان ناطق اولقله برابر جلب منفعت و دفع مضرت و حب نفس و داعیه تفرد و میل تفوق خصائل غریزه سیله متخلق و شهوت و غضب و حس انتقام و بطش و تغلب کی صفات بریمیه فطرت اصلیه سنده مرکوز اولمسیله بونجه مختلف المنافع و الطباع و متباین الافکار و الاوضاع خلقک بر محله اجتماعی معاملاتده نزاع و فزعی داعی اوله رق « الحکم ان غاب » قاعده سنجه کیر صغیری و غنی فقیری و قوی ضعیفی محو و افنا ایلمسی قوانین طبیعی دن اولقله برابر بین الافراد و قوعبولان مخاصمات اکثریا منتسب اولدقلری قوم و قبیله و هیأت اجتماعییه سرائتله « وان الحرب اوله کلام » مفاد بنجه منازعات لسان مقارعات سنانه بادی و بر چوق محاربات و مقاتلاته مؤدی اوله رق نظام عالم مختل و کارگاه کون معطل اولمسی بدیهی بولندیغندن جناب نسق ساز نظام کائنات حفظ حیات عالم و منع تعدیات افراد و امم ایچون [انی جاعل فی الارض خلیفه] نص جلیلی ایله مقام خلایف مقدسه یی تأسیس و هر فردک له و علیه کی حقوق متقابله یی انبیاء عظام اوزرینه نازل اولان صحف و کتب مقدسه ایله تعیین و تبیین ایدرک بوصورتله شرائع وادیان روی زمینده تأسیس و حکومتات مشروعه تشکیل ایلمشدر . ایشه بوصورتله حفظ نظام عالم و تهذیب اخلاق امم ایچون نازل اولان شرائع وادیان اساساً جنک و جدال و حرب و قتالی منع ایچون وضع و تأسیس بیورلش و من غیر حق بنیه انسانییه یی افنا و تخریب و یا امنیت عمومییه یی اخلاصه تصدی ایدنلر ایچون دنیا ده قصاصاً قتل و اعدام و زنجیر بند اوله رق حبس و مؤبد و موقت اعمال شاقه ایله

اشغال کی مجازات ترهیدیه و عقباده نارنجیمده مغلد اولمق صورتیه اک شدید جزا واک بیوک عذاب الیم و عدا یلمشدر . نته کیم قرآن عظیم الشانده [ان الذین یحاربون الله ورسوله ویسعون فی الارض فساداً فجزائهم ان یقتلوا او یصلبوا و یقطع ایدیهم و ارجلهم من خلاف او ینفوا من الارض] الخ [ومن یقتل نفساً .... فجزائه جهنم خالداً فیها] آیات کریمه سی ثبوت مدعایه برهاندر .

بصر امعان و بصیرت اذعان ایله باقلدینی حالده فی الحقیقه نوع بشر فیلسوف اسلام ابوالعلاء معرینک « الناس من جهته التمثال اکذآء ابوهموا آدم والام حواء » الخ دیدیکی کی بر بابا و انادن طوغمش قرنداش و روی زمین ایسه بوکونکی اقوام و اممک بر قاق مثلنی استیعاب و اعاشیه کافی بولنمش اولدینی حالده ، مغایریت لسانیه ، مباینت مذهبی ، عصیت قومیه ، توسیع حدود و استملاک اراضی کی بر طاقم اسباب معنویه و اعتبارات و همیه ایله انسانلرک خونخوار جانوارلر کی یکدیگرینی قتل و افنا و دها طوغریسی ایکی دیپلوماتک بر ایکی دقیقه لی انفعالات نفسیه لری نتیجه سی اوله رق میلیونلرجه نفوسک قانلری هبا ایدلمسی و بویوزدن میلیونلرجه بی کنه اطفال و نسایتم و بی وایه براغلمسی و عصرلرجه اممک صرفیه وجوده کتورلش اولان بر چوق قرا و قصبات معموره و اماکن و مبانی مشهوره نک ایکی ساعت ایچنده خاک ایله یکسان و ترقی صنعت و ثروت و معموریه خادم اولان بر چوق فابریقه و کارگاه و معمل و دستکاهلرک زیر و زبر ایدلمسی و بر برینی عمرلرنده کورماش و یکدیگرلرینی طانیماش واره لرنده هیچ بر ماجرا کچماش اولان یوز بیکلرجه انسانلرک سرین قان ایله بر برلرینک قانی ایچمکه چالشمسی حقیقه حسیات انسانیه و مدنییه ایله قابل تألیف و توفیق اولیان احوال الیه و موجب اسف عظیم اوله جق لجائع عظیمه دندر .

نه چاره که بوجهت بویله اولقله برابر بو حس بطش و غضب هر انسانک خلقتده مکنوز و فطر تنده مرکوز اولدینی ده قابل انکار دکدر .

حربک تاریخ تولدینه عطف نظر ایدمک اولور ایسه ک حرب انسان ایله برابر طوغمش و حضرت آدمک ایکی اوغلی اره سنده بیله وقوعی منع ایدیه میوب همشیره سنی المی ایچون قابیل « هابیلی » قتل ایلدیکی کتب مقدسه ده مذکور و مصرح بولنمشدر . اندن صکره جیلا بعد جیل و قیلا بعد قیل بوسیئه حرب و قتال موروث و متسلسل اوله رق کرک افراد بیننده صورت خصوصیه ده و کرک قبائل و عشائر میاننده صورت عمومییه ده اوله رق جنک و جدال منقطع اولماشدر .

حتی جنس اولیان بر بارکیرک جنس بر قصراق اوزرینه آشمسندن طولایی قبائل عربیه دن طسم و جدیس اره سنده اون سنه و بر خاتونک بردوه یی یارلمسندن طولایی « بکر » ایله « تغلب » قبیله لری میانه لرنده حرب البسوس نامیله شهرت شعار اولان محاربه نک قرق سنه ممتد اولدینی کتب تاریخیه ده محرز و مستوردر .

اقوام و امم سائر میاننده دخی حال بومنوال اوزره جاری اوله رق

اك بيوك سرمايه شرف ومباهات محاربات واقعه ده خصمى محو وافنا ایده جك درجده حیات بشره تخریباب اجراسندن عبارت بولنش وبوكا موفق اولان اشخاص درلو درلو القاب شرف وعنوانلر احراز ویالكز بین الرجال دكل حتى نسا عندنده دخى بك بيوك حیثیت واعتبارى حائر اولدقلرى معلومدر .

قبائل عربیه ام سائردهن زیاده سریع الانفعال سریع الغضب ونظرلرنده شجاعت، سماحت، شهامت کبی صفات حیاته مرجح فضائلدن عد استدکلری وجزوی برحادثه بیوك بر مقاتله یه بادی اولدینی جهتله ظهور اسلامه دکین عموم عشائر وقبائل بر حرب دائمی ایچنده امرار حیات ویالكز بیت مکرم وکعبه معظمه نك سنهده بر کره زیارتی عهد ابراهیم واسماعیل علیهما السلامدن برو جاری اولان بر سنت مرعیه اولسیله موسم حج اولان رجب وذی القعده وذی الحجه ومحرمی شهر حرم اعتباریله یعنی یالکز اشبو آیلرده حرب وقتالی تحریم ایله سنهده درت آی محاربه ومقاتلهدن اجتناب ایدرلر ایدی .

اسلامك ظهورنده عالم نائرة جنگ وجدال وغائله حرب وقتال ایله بر هرج ومرج دائمی ایچنده بولنهرق حبشیلرک جزیره العربیه وایرانیلرک یونانیلره ویونانیلرک ایرانیلره وآسیا مهاجرلرینک رومالولره وبالذات قبائل عربیه نك یکدیگرلره هجوم وتسلطایله بوغاز بوغازه اوغراشدقلری بر زمانه مصادف اولهرق بر طرفدن قومیت ، جنسیت ، توسیع ملک و حدود منازعاتی وبر طرفدن یهود ونصاری ارمسنده کی اختلافات دینیه مقاتلاتی روی زمینی بر آشکده حرب ووغا حالنده بولندیرمش اولسیله بالعموم ملل واقوامی بر فکر وعقیده اوزرینه جمع ومیانلرنده جنسیت وقومیت عصیت جاهلیه سنی منع ایله ارمه لرنده کی اختلافات دینیه ومذهبی رفیع ایدرک نظام عالم وآسایش امك محافظه سی ضمنتده مارینی زاده : عارف

### هوردن برونی [\*]

— مدحت جل بکه —

عناصر کرد باد آتش حدتله ، جوشاجوش :  
دکز ، اسماع تهدید ایلوب کوش حوالی یه  
کلیر چاربار کوپورمش ، بر غضب امواج ، دوشادوش  
کمال عنف وشدتله بوسنکستان خالی یه  
نیجه اعصار ایچنده — کیم بیلیر ! — ساحر ، هنر پرور  
یدمعمار دورانله — بوجوششگاه دائمه —  
آچلمش کھفلر ، مدھش قوووتلر ، شرحه لر یریر  
ایکلدر نیچه تخریب کار بادهاجمده !

توپان محرق ، درین ، بیتاب انیلر صدر ساحلدن  
دوشوب طراقة امواج ایچنده محو اولور لرزان

[\*] آریقا دروغانی اوجوارده ایکن یازلمشدی .

طولان آفاقه سنجابی بلوطلر ، شمس مائلدن  
دوشورمز بلع ایدر بر ذره امید نور افشان .

بویرلر اوقشاماز روح سکون آشام سودایی  
کورونمش اولسهده بر صیده چیقمش بادبانجق کاه  
بو حزن انکیز طاشقلر ، بوده شترار تنهایی  
نه بر مهدوصال اولمش نه بر هجرانه شیونکاه !

بو وحشی ساحه رزم عناصرده چیقار کویا  
خفی بر شقه ممدود شکوا قلب اشیادن  
قودورمش تندبادک زخم دندانیله اک برنا  
قوی شیربیلره هپ مضطرب ، مجروح تیتزرکن  
اولور یالکز بومدهش حاله ... بر قاچ مارطی — یکپاره  
بر استحکام آهن سینه آسا حاکم اطراف  
کوکس ویرمش هزاران ضربه مرئی ادواره —  
مهیکل برطاش اوستندن نکاه انداز استخفاف .

م . جزئی

### عطالت ومکاتب رسمیه طلبه سی

موضوع بحثمز اولان عطالت یوزندن بزده بر فرقه دهها پیدا اولدی که اوده کرک حکومات اسلامی نك مکاتب رسمیه سنده ، کرک داخل وخارجده کی مکاتب اجنبیهده یکی اصول اوزره تحصیلده بولنان متعلمین فرقه سیدر . شونی ده سویله ملی یم که قریم ، قفقاسیه ، سمرقند ، بخارا ، هند کبی ممالک بحشمک خارجندهدر . چونکه او حوالی خاقنک احوانی چوقلق بیلیمورم . بونکله برابر کوردکلرمی ای کوردم ؛ کندیلرندن اسلام ایچون خیر اومولابیلیر بر حالده بولدم . اوت ، بونلر میاننده تصادف ایده بیلدیکم ذوات تحصیللری بلاد غربده اکمال ایتمش ، فنون حاضره یی حقیله اوکرنمش اولدقلری حالده دین اسلامک لبته ، روحنه اوته طرفده زهدوتقوی ادعاسنده بولنان بر چوققلرندن دهها زیاده واقف ، دهها زیاده متمسک بولنیورلرده دینک عادات صحیحه سندن هیچ برینی ترک ایتک کبی بر مبالا تسزلق اظهار ایتیمورلر . بونلر نه کوزل متعلملردر جناب حق امثالنی تکثیر ایتسون .

بیم اصل بحث ایتک ایستدیکم متعلمین فرقه سی مصرده ، سوریهده وسائر ممالک عثمانیهده بولنانلردر . اسلامک علم حقنده کی سماحت فوق العاده سی مسلمانلره ایچلرنده غیر مسلم بولنان ، حتی کافه سی غیر مسلم اولان ، بلکه دین اسلامدن بشقه بر دینی ترویج ایچون تاسیس ایدیلان رسمی وغیر رسمی مکتبلره اولادلرینی کوندرمکه مساعدده ایتشدرکه بوقیلدن اولان بابلر چوققلرینک عقائدی سالم قالدقه کیمسه نك هدف اعتراضی اولماز .

چوققلر دیانت اسلامی دایره سنده بر طرز تعلیمدن اثر اولیان حتی چوق دفعه لر بشقه بر دینک احکامی تلقین اولنان اجنبی مکتبلرنده